

**Broj: 13/06-3-11-30-351-1/2023**

**Datum: 22.02.2023. godine**

U skladu sa članom 10a. stav 1. alineja a) Zakona o javnim nabavkama Bosne i Hercegovine („Službeni glasnik BiH“, broj: 39/14 i 59/22 – u daljem tekstu: Zakon o javnim nabavkama), Zaključka Vlade Federacije Bosne i Hercegovine, V. broj: 171/2023 od 09.02.2023. godine i Odluke o izuzeću od primjene Zakona o javnim nabavkama za zakup prostora, broj: 13/06-3-11-30-351/2023 od 22.02.2023. godine, Porezna uprava Federacije BiH na zahtjev Kantonalnog poreznog ureda Sarajevo, objavljuje

## **JAVNI POZIV**

### **za prikupljanje ponuda za zakup adekvatnog prostora (objekta) na području Općine Centar, Sarajevo**

Porezna uprava Federacije Bosne i Hercegovine – Kantonalni porezni ured Sarajevo s pripadajućim organizacionim jedinicama s područja Općine Centar, Sarajevo, ima potrebu za rješavanjem pitanja adekvatnog smještaja, odnosno ima potrebu za dugoročnim zakupom adekvatnog prostora za potrebe Kantonalnog poreznog ureda Sarajevo i njegovih organizacionih jedinica na području Općine Centar, Sarajevo.

Zakup prostora je izuzet od primjene Zakona o javnim nabavkama u skladu s članom 10a. stav 1. alineja a) kojim je normirano da „Ovaj zakon ne primjenjuje se na ugovor o javnoj nabavci usluga za: a) sticanje, najam ili zakup, bilo kakvim finansijskim sredstvima, zemljišta, postojećih građevina ili druge nepokretne imovine ili prava koja se njih tiču“, uz obaveznu primjenu člana 3. Zakona o javnim nabavkama kojim je u stavu 1) normirana obaveza transparentnog postupanja Ugovornog organa, a što je poduzeto javnom objavom ovog Javnog oglasa.

### **I – PREDMET JAVNOG POZIVA**

Predmet Javnog poziva je prikupljanje ponuda za zakup izgrađenog poslovnog prostora površine najmanje 1.600 m<sup>2</sup> do maksimalno 2.000 m<sup>2</sup>, koji se mora nalaziti na području Općine Centar, Sarajevo, pod kojim područjem se podrazumijeva ekstra zona A, ekstra zona B i I zona prema opisu granica zona građevinskog zemljišta iz Odluke o građevinskom zemljištu Općine Centar, Sarajevo („Službene novine Kantona Sarajevo“, broj 17/15).

Poslovni prostor mora biti useljiv i slobodan od ljudi i stvari, kao i od prava trećih lica, s riješenim imovinsko-pravnim odnosima i upisan u zemljišnu knjigu nadležnog suda. Poslovni prostor mora estetski odgovarati instituciji izvršne vlasti u Federaciji BiH, sa adekvatnim pristupom objektu, što isključuje uske ili padinske ulice u području općine, kao i one koje su isključivo namijenjene stambenim blokovima i naseljima.

Potrebno je da u neposrednoj blizini poslovnog prostora postoji parking (javni, privatni, vlastiti), odnosno mogućnost parkiranja za najmanje trinaest motornih vozila.

Poslovni prostor mora biti povezan u jednu cjelinu, po mogućnosti s jednim glavnim ulazom, a ukoliko nema jedan glavni ulaz koji omogućava pristup ukupnoj traženoj površini, neophodno je da se poslovni prostor nalazi u istoj zgradi/objektu na način da

se udaljenost između eventualno više ulaza, sa administrativnog aspekta, ne održava na obavljanje poslova iz nadležnosti Kantonalnog poreznog ureda Sarajevo.

Neophodno je da poslovni prostor, neposredno po ulazu u isti, nudi mogućnost organiziranja portirnice i protokola za potrebe cjelokupnog Kantonalnog poreznog ureda i Porezne ispostave Centar, i to: šalter salu sa najmanje šest radnih mjesta ili najmanje dvije kancelarije pogodne za organizovanje protokola sa dovoljno prostora za smještaj šest radnih mjesta.

Poslovni prostor treba da ima najmanje dvije etaže, sa minimalno trideset kancelarija administrativnog tipa, koje su dovršene, okrečene i spremne za upotrebu, najmanje tri prostorije u vidu ostava za smještaj kancelarijskog i drugog materijala, izdvojen prostor pogodan za smještaj arhive (ne manji od 300 m<sup>2</sup>), najmanje jednu salu za sastanke i najmanje dva toaleta (svaki podijeljen na muški i ženski).

Poslovni prostor mora biti izgrađen, suh i prozračan (bez oštećenja i vlage), okrečen bijelom bojom sa rasvjetom primjerenom administrativnim potrebama i zaštićenoj odgovarajućim kućištima te adekvatnim podom (laminat, parket, itison i sl.).

Potrebno je da poslovni prostor posjeduje postavljenu kompletnu infrastrukturu instalacija (električnu, telefonsku, vodovodnu, kanalizacionu, PTT i internet mrežu i ostalih) kao i da postoji mogućnost unutrašnjeg uređenja po želji i potrebama zakupoprimca. Sistem vodovodne i kanalizacione mreže mora biti ispravan i bez ikakvih oštećenja, kao i svi drugi sistemi i instalacije.

Sistem za grijanje mora biti ispravan, te kapacitetom i snagom adekvatno odgovarati površini koja se zagrijava. Poželjno je da je sistema grijanja odvojen od eventualno drugih korisnika.

Potrebno je da poslovni prostor posjeduje fasadu (termoizolacijsku) ili da fasada bude urađena u primjerenom roku na obostrani dogovor.

U slučaju da ponuđeni poslovni prostor nije novogradnja (ukoliko se radi o objektu koji je već duži period izgrađen i ranije je korišten od strane drugih korisnika), ponuđač u roku od 30 (trideset) dana od dana zaključenja ugovora je dužan izvršiti uređenje prostorija koje su predmet zakupa prema potrebama i željama zakupoprimca (u slučaju da postoje oštećenja: na vanjskim dijelovima zgrade, unutrašnjim prostorijama (zid, pod i sl) stolariji, krovu, podrumu, parkingu, te neposrednom okruženju zgrade). Ako postojeće prostorije nisu uređene na adekvatan način, ponuđač bi trebao po želji i potrebama zakupoprimca izvršiti popravke, uređenje i prilagodbe o svom trošku.

Poslovni prostor ne smije imati nikakva opterećenja i/ili dugovanja po osnovu komunalnih i drugih troškova. Od momenta useljenja u poslovne prostorije režijske troškove plaća zakupoprimac (izuzev troškova upravitelja), a svi eventualni troškovi održavanja poslovnih prostorija za koje nije kriv zakupoprimac padaju na teret zakupodavca.

Porezna uprava Federacije BiH zadržava pravo da ne zaključi ugovor o zakupu niti sa jednim ponuđačem, u slučaju da niti jedan ponuđač ne dostavi prihvatljivu ponudu za adekvatan prostor.

Zakupodavac mora biti ujedno i vlasnik i posjednik nekretnine-poslovnog prostora koju daje u zakup, što dokazuje dokumentacijom koja je zahtijevana u ovom Javnom pozivu, u dijelu II – sadržaj ponude.

Procijenjena vrijednost Ugovora o zakupu prostora traženog ovim Javnim pozivom na mjesečnom nivou iznosi do 20.000,00 KM sa PDV-om, ukoliko je zakupodavac obveznik poreza na dodatnu vrijednost.

**U cijenu moraju biti uključeni svi troškovi u vezi korištenja navedenog prostora, izuzev režijskih i komunalnih koje stvori zakupoprimac. Troškove upravitelja snosi vlasnik.**

Plaćanje zakupa će se vršiti mjesečno na osnovu ispostavljene mjesečne fakture ili računa. Zakupnina se unosi na plaćanje najdalje do 20-tog u mjesecu za prethodni mjesec, po ispostavljenoj fakturi ili računu, na račun Zakupodavca, a počev od momenta stupanja u posjed Porezne uprave Federacije BiH.

Ukoliko je Zakupodavac fizičko lice i kao takvo nije registrovano kao obveznik PDV-a, to je iskazana cijena zakupa poslovnog prostora bez PDV-a i Zakupodavac ne može na fakturi iskazati iznos PDV-a ili na bilo koji drugi način naznačiti da je u fakturi sadržan iznos PDV-a.

Faktura ili račun se dostavlja na adresu Kantonalnog poreznog ureda Sarajevo najdalje do 5-tog u mjesecu za prethodni mjesec.

Cijena zakupa je fiksna. Izuzetno, postignuta cijena zakupnine (jedinična cijena po m<sup>2</sup>) se može korigirati u skladu s povećanjem potrošačkih cijena mjerenih od strane Federalnog zavoda za statistiku ukoliko dođe do povećanja preko 5% u jednom kvartalu/godini u odnosu na isti kvartal/godina prethodne godine.

POREZNA UPRAVA FEDERACIJE BIH

## II – SADRŽAJ PONUDE

### Ponuda mora da sadrži minimalno sljedeću dokumentaciju:

1. Naziv, ime i tačna adresa/kontakt telefon/ponuđača i ime odgovornog lica ponuđača;
2. ZK izvadak – ovjerena kopija ili original (ne starija od 30 (trideset) dana u momentu dostavljanja ponude);
3. Tačna adresa prostora koji se daje u zakup sa opisom prostora (obavezno navesti način grijanja/hlađenja, mogućnost parkiranja službenih vozila i sve druge relevantne elemente i informacije kojim se dokazuje sve što je traženo ovim Javnim pozivom);
4. Izgled objekta (fotografije objekta u boji);
5. Cijena zakupa u KM/m<sup>2</sup> sa PDV-om (u cijenu moraju biti uključeni svi troškovi u vezi korištenja prostora), shodno Obrascu iz priloga Javnog poziva. Obrazac s finansijskom ponudom (cijenom) koji je sastavni dio ovog poziva, ovjeren i potpisan od strane ponuđača. Ponuđena cijena se izražava u KM sa PDV-om (konvertibilnim markama) za 1m<sup>2</sup> ponuđene površine;
6. Izjava ponuđača da u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u Bosni i Hercegovini ili zemlji u kojoj je registriran, da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca, da nije pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u Bosni i Hercegovini ili zemlji u kojoj je registriran, da je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili propisima zemlje u kojoj je registriran i da je ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran;  
*Izjava (pod rednim brojem: 6.) se daje pod punom materijalnom i krivičnom odgovornošću (što mora biti jasno naznačeno na istoj), potpis ovlaštenog lica ovjerava se kod nadležnog organa (notar ili opština) i dostavlja uz ponudu,*
7. Ponuđač u krivičnom postupku nije osuđen pravosnažnom presudom za krivična djela organiziranog kriminala, korupciju, prevaru ili pranje novca, u skladu s važećim propisima u Bosni i Hercegovini ili zemlji u kojoj je registriran - Uvjerenje Suda Bosne i Hercegovine (Sud BiH, ul. Kraljice Jelene broj 88., 71 000 Sarajevo) – **dostavlja izabrani ponuđač;**
8. Ponuđaču u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca – Uvjerenje nadležnog suda prema sjedištu kandidata/ponuđača - **dostavlja izabrani ponuđač;**
9. Ponuđač nije pod stečajem ili je predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti, u skladu s važećim propisima u Bosni i Hercegovini ili zemlji u kojoj je registriran - Uvjerenje nadležnog općinskog suda prema sjedištu kandidata/ponuđača - **dostavlja izabrani ponuđač;**
10. Ponuđač je ispunio obaveze u vezi s plaćanjem penzionog i invalidskog osiguranja i zdravstvenog osiguranja, u skladu s važećim propisima u Bosni i Hercegovini ili

propisima zemlje u kojoj je registriran - Uvjerenje nadležne Porezne uprave, prema sjedištu kandidata/ponuđača - **dostavlja izabrani ponuđač;**

11. Ponuđač je ispunio obaveze u vezi s plaćanjem direktnih i indirektnih poreza, u skladu s važećim propisima u Bosni i Hercegovini ili zemlji u kojoj je registriran - Uvjerenje Uprave za indirektno/neizravno oporezivanje BiH - **dostavlja izabrani ponuđač.**

Napomena: neophodno je dostavljanje oba uvjerenja i od Suda BiH i od suda nadležnog prema sjedištu pravnog ili fizičkog lica. Porezna uprava Federacije BiH neće prihvatiti uvjerenje izdato od bilo kojeg suda u BiH, u kojem nisu naznačena sva navedena krivična djela, već samo neka od njih ili uvjerenje suda koji uopšte nije nadležan prema sjedištu kandidata/ponuđača.

Napomena: **Dokazi pod tačkom 7., 8., 9., 10. i 11. koje dostavlja samo izabrani ponuđač** ne smiju biti stariji od 3 (tri) mjeseca, računajući od momenta predaje ponude (datum izdavanja dokumenta ne smije biti stariji od tri mjeseca od momenta predaje ponude). Dokazi koje dostavlja izabrani ponuđač moraju biti dostavljeni u originalu ili ovjerenoj kopiji od strane nadležnog organa.

U slučaju da ponuđači imaju zaključen sporazum o reprogramu obaveza, odnosno odgođenom plaćanju, po osnovu doprinosa za penzijsko-invalidsko osiguranje, zdravstveno osiguranje, direktne i indirektno poreze, dužni su dostaviti potvrdu nadležne institucije/a da ponuđač u predviđenoj dinamici izmiruje svoje reprogramirane obaveze.

Pored navedene dokumentacije koja predstavlja sadržaj ponude, dostavlja se i sljedeća dokumentacija:

Ukoliko je vlasnik objekta:

**a) Fizičko lice, obavezno dostaviti:**

1. Dokaz o identitetu fizičkog lica;
2. CIPS – potvrda o mjestu prebivališta, original ili ovjerena kopija ne starija od 30 dana u momentu dostavljanja ponude;
3. Ukoliko se radi o bračnoj stečevini ili suvlasništvu, neophodna saglasnost supružnika/suvlasnika za zakup prostora u formi ovjerene izjave.

**b) Pravno lice, obavezno dostaviti:**

1. Izvod iz sudskog registra ili ekvivalentni dokument o registraciji pravnog lica, koji izdaje nadležni sudski ili drugi organ, original ili ovjerena kopija, ne starija od 3 (tri) mjeseca u momentu dostavljanja ponude;
2. Potvrda poslovne banke (**izdata poslije objave ovog Javnog poziva**) da glavni račun nije blokiran u zadnjih 6 (šest) mjeseci do dana objave ovog Poziva (datum izdavanja mora biti jasno naznačen i vidljiv u formi) original ili ovjerena kopija;
3. Saglasnost Skupštine ili drugog nadležnog organa društva (ukoliko je primjenjivo).-

Napomena: ukoliko je zakupodavac (pravno ili fizičko lice) suvlasnik nekretnine koju daje u zakup, neophodna je saglasnost za davanje u zakup svih suvlasnika nekretnine.

Zakupodavac kao jedini vlasnik, odnosno kao suvlasnik sa svojim dijelom i ostalim suvlasnicima, moraju biti sa udjelom vlasništva 1/1.

### **III – PRAVO UČEŠĆA**

Pravo učešća po ovom javnom pozivu imaju sva pravna lica i fizička lica – vlasnici ponuđenog prostora koji zadovoljava potrebe iz ovog Javnog poziva, a koji svoje ponude dostave u predviđenom roku s kompletnom dokumentacijom traženom ovim javnim pozivom.

### **IV – KRITERIJ ZA DODJELU UGOVORA**

Kriterij za izbor najpovoljnije ponude za zakup poslovnog prostora je „najniža cijena ponude – najniža cijena mjesečne zakupnine“ prihvatljive ponude, shodno ovom pozivu.

Prihvatljiva ponuda shodno ovom Pozivu je ponuda koja ispunjava uslove i zahtjeve iz ovog Javnog poziva i koja u finansijskom, funkcionalnom, upotrebnom, estetskom ili bilo kojem drugom smislu je odgovarajuća i primjerena za smještaj institucije izvršne vlasti Federacije Bosne i Hercegovine - Porezne uprave Federacije BiH.

Vrednovanje prihvatljivih ponuda vršiti će imenovana Komisija.

Porezna uprava Federacije BiH zadržava pravo da ne prihvati ponudu koja u finansijskom, funkcionalnom, upotrebnom, estetskom ili bilo kojem drugom smislu nije odgovarajuća ili nije primjerena instituciji izvršne vlasti Federacije Bosne i Hercegovine - Porezne uprave Federacije BiH i/ili ne zadovoljava minimalne uslove utvrđene i tražene ovim javnim pozivom.

### **V – ROK I NAČIN DOSTAVE PONUDA**

Prijem ponuda je u Poreznoj upravi Federacije BiH – Središnji ured, ul. Husrefa Redžića broj 4., 71000 Sarajevo u roku od 8 (osam) dana računajući od dana objave u dnevnim novinama Sažetka ovog Poziva, do 11:00 sati. Ponuda se mora dostaviti zapečaćena, s naznačenom punom adresom i nazivom ponuđača i naznakom „**Ponuda za zakup prostora - NE OTVARAJ**“.

U razmatranje će se uzeti samo ponude koje su stigle najkasnije do krajnjeg roka za prijem ponuda određen ovim Javnim pozivom. Sve ponude koje pristignu poslije naznačenog roka, bez obzira kada su poslone i na koji način, neće biti uzete u razmatranje i iste će biti vraćene na adresu ponuđača, neotvorene.

Porezna uprava Federacije BiH će komisijski otvoriti ponude, konstatovati da li blagovremene pristigle ponude zadovoljavaju propisane uslove i zahtjeve ovim Javnim pozivom.

Sve ponude pristigle u krajnjem roku određenim ovim Javnim pozivom će se otvoriti komisijski dana utorak, 07.03.2023. godine s početkom u 11:30 sati u Poreznoj upravi Federacije BiH – Središnji ured, na adresi: Husrefa Redžića broj 4., 71000 Sarajevo.

Svi ponuđači, kao i zainteresovana pravna ili fizička lica mogu prisustvovati javnom otvaranju ponuda, uz predočavanje odgovarajućeg identifikacijskog dokumenta na uvid Komisiji.

Porezna uprava Federacije BiH ne snosi nikakve troškove ponuđača nastale po ovom javnom pozivu.

## **VI – ANALIZA PONUDA I DONOŠENJE ODLUKE O DODJELI UGOVORA**

Ponuda koja će se dostaviti od strane Ponuđača treba da sadrži sve tražene dokumente navedene u ovom javnom pozivu, na način i u formi kako je to utvrđeno ovim Javnim pozivom i relevantnim zakonskim propisima. U suprotnom ista može biti eliminisana zbog formalno pravnih ili suštinskih nedostataka.

Porezna uprava Federacije BiH zadržava diskreciono pravo da s ponuđačima koji su dostavili prihvatljivu ponudu obavi pregovore u pogledu cijene zakupa ili drugih elemenata Ugovora prije donošenja konačne odluke.

Porezna uprava Federacije BiH prije odabira najpovoljnijeg ponuđača zadržava pravo traženja na uvid dodatne dokumentacije (u formi originala ili ovjerene fotokopije), provjeru iste ili eventualno dodatna pojašnjenja, kao i obilazak poslovnog prostora i provođenje pregovora. Ponuđač je dužan Komisiji omogućiti obilazak ponuđenog poslovnog prostora kao i dati odgovore na sva postavljena pitanja i traženja Komisije u vezi s predmetom Javnog poziva.

Dostava informacija Poreznu upravu Federacije BiH ne obavezuje ni po kom osnovu.

Porezna uprava Federacije BiH neće vraćati ponuđaču ponudu koja nije prihvaćena u razmatranju nakon otvaranja ponude.

Porezna uprava Federacije BiH će nakon provedenog postupka analize i vrednovanja ponuda donijeti odluku o izboru najpovoljnije ponude, te nakon donošenja odluke pozvati izabranog ponuđača radi zaključenja ugovora kojim će se detaljno regulisati prava i obaveze ugovornih strana vezano za zakup prostora.

Alternativne ponude po ovom Javnom pozivu nisu dozvoljene.

Ponuđači koji su podnijeli svoje ponude će biti obaviješteni o rezultatima odabira najpovoljnije ponude u roku od 7 (sedam) dana od dana donošenja odluke o izboru najpovoljnijeg ponuđača, odnosno o eventualnim razlozima neprihvatanja ponude.

## **VII – OSTALO**

Zainteresovani ponuđači mogu tražiti pojašnjenje vezano za predmetni poziv pismenim putem slanjem upita na e-mail adresu [javnenabavke@fpu.gov.ba](mailto:javnenabavke@fpu.gov.ba) najkasnije do dana isteka roka predviđenog za prijem ponuda. Po isteku naznačenog datuma za dostavu ponuda ponuđači više ne mogu tražiti pojašnjenja u vezi s Javnim pozivom.

**Ovlaštena osoba ispred Porezne uprave Federacije BiH je Igor Pavlić, Šef Odsjeka – Središnji ured.**

Porezna uprava Federacije BiH ne snosi nikakve troškove ponuđača u postupku nadmetanja te zadržava pravo prihvatiti u potpunosti ponudu, odbiti ponudu, poništiti Javni poziv ili odgoditi sve ponude u bilo koje vrijeme prije sklapanja ugovora i pri tome ne snosi nikakvu odgovornost prema ponuđačima, niti je u obavezi objasniti razloge takve odluke.

Porezna uprava Federacije BiH zadržava pravo poništiti javni poziv, prihvatiti ili odbiti svaku ponudu, a sve prikupljene informacije koristiti isključivo u svrhu daljeg postupka zakupa prostora.

Javni poziv je objavljen na web stranici Porezna uprava Federacije BiH: <http://www.pufbih.ba> u dijelu „**Javne nabavke – Javni poziv za dostavu ponuda**“, a sažetak Javnog poziva u dnevnom listu “Oslobođenje”.

Učesnici koji smatraju da su u postupku po ovom Javnom pozivu narušena njihova prava imaju pravo pokretanja parničnog postupka pred nadležnim sudom.

**FEDERALNO MINISTARSTVO FINACIJA/FINANSIJA  
POREZNA UPRAVA FEDERACIJE BiH**

POREZNA UPRAVA FEDERACIJE BiH

**Prilog br. 1 od 1**

**OBRAZAC ZA CIJENU PONUDE**

**za zakup prostora**

Naziv/Ime ponuđača: \_\_\_\_\_

ID broj ponuđača: \_\_\_\_\_ (ako se radi o pravnom licu)

Ponuda broj: \_\_\_\_\_ od \_\_\_\_\_ 2023. godine

Rb.	Opis	Jedinica mjere	Ukupna površina ponuđenog prostora iskazana u m <sup>2</sup> ( <i>upisuje ponuđač</i> )	Jedinična cijena (mjesečna) po 1m <sup>2</sup> površine iskazana u KM sa PDV-om ( <i>upisuje ponuđač</i> )	Ukupna mjesečna cijena zakupa iskazana u KM sa PDV-om ( <i>upisuje ponuđač</i> )
1.	2.	3.	4.	5.	6. (4. x 5.)
A	Ponuđena cijena zakupa	1m <sup>2</sup>	_____ m <sup>2</sup>	_____ KM	_____ KM

Jedinična cijena (mjesečna) po 1m<sup>2</sup> površine iskazana u KM sa PDV-om

slovima: \_\_\_\_\_ KM

Ukupna mjesečna cijena zakupa s uračunatim PDV-om

slovima: \_\_\_\_\_ KM

Napomena:

1. Cijene moraju biti izražene u KM i sa PDV-om te uključivati sve troškove u vezi korištenja kako je deifnisano ovim Javnim pozivom. Za svaku stavku u ponudi mora se navesti cijena.
2. Cijena ponude sadrži sve naknade i sve troškove koji zakupoprimac treba platiti zakupodavcu shodno Javnom pozivu.
3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
4. Jedinična cijena stavke se ne smatra računskom greškom, odnosno ne može se ispravljati.

Vlastoručni potpis i pečat ponuđača (ako se radi o pravnom licu) \_\_\_\_\_